

Ладямс одломаттнень йоткса пропагандистский работать

Партиясь и правительствася оцю мяль шарфнихть одломаттнень ширес и активна сувафнесазь синь общественной эряфти. Макссихть теест сембе условиятнень политически вишкста касомати, сон привлекает синь управлять государствовать мархта. Оцю доверия макссь народсь советский одломаттненьди, кочкамок сядода лама комсомолецт СССР-нь Верховнай Совету депутатокс.

Тя оцю довериясь нингя вест няфнесы, што минь странасонк одломаттне примосихть активной участия общественной эряфса. Ленинский комсомолсь ВКП(б)-нь ЦК-ть руководстванц вельде няфтезе эсь боепособностенц СССР-нь Верховнай Совету избирательнай кампаниять йотафтомаста. Синь избирательнай участкатненьди выдвигали сембедонга цебарь и провереннай комсомолецтнень, конат вятьсть активной работа избирательнай законть раз'яснениянц инкса.

Кда варжаксттама кода ащи тяни Мордовияса пропагандистский работась одломаттнень йоткса и кода ладяф политзанятияне комсомольский политкружокнень эса, то тяса нийхтыма пяк лама афсатыкта. Рузаевский железнодорожной организацияса ВЛКСМ-нь паровознай депонь первичнай организациять руководителенца и васендакия комитетонь секретарьсь Ноготков ялгась кржа шарфтьсть мяльда пропагандистский работать ладяманцты. Тя первичнай организацияса сембоц комсомолецта 197 ломань, и формально как будто-бы синь йоткост политзанятияне ладяфт, но мзярда ВЛКСМ-нь обкомсь проверязе тятевт и кулхондозе комитетонь секретарьть Ноготков ялгать ВЛКСМ-нь обкомть бюросонза, то лихц пяк лама афсатыкта.

Паровознай депонь первичнай комсомольский организациясь выделил 7 ломатть пропагандистокс, но ня пропагандисттнень йоткса улихть ломатть, кода, например, Грашин ялгась, кодац занятияс якай конспектфтома и ащ кодамовок планоц. Слушательне занятияне тненьди эвондакшнихть аф сембе. Общай посещаемость эряй 41%, а кой-кона группатнень эса 25%.

Тяда башка, тякажа первичнай

организацияса ковогн аф кондысти работась афсоюзнай одломаттнень йоткса. Сембоц афсоюзнай одломаньда лувондови 200 ломань, а работа йоткост пцтай кодамовок аш. Тяконь сюнеда 1938 кизоня 1-це кварталть комсомолонь ряттненьди примаф аныцек 14 ломань. Тяфтажа ащи теветсь ВЛКСМ-нь Кодошкинский районнай организацияса, кода пропагандистский работать ширес тячимс аф шарфнихть мяль. Тя няеви тоста, што ВЛКСМ-нь Кодошкинень райкомть политтонафнемань отделонь заведующаец Тумпаров ялгась эсь отчетсонза обкомть бюросонза пцтай мезевок ашезь аз пропагандистский и агитационнай работать колга.

Тяфтама афсатыкта ВЛКСМ-нь Мордовский организацияса аф кржа, но обкомовский работнике тячимс нингя кржа шарфнихть мяль тя работаги.

Тонафнемок ВЛКСМ-нь ЦК-ть ветеце Пленумонц решениянзон, комсомольский организацияне должетт сяда курокона петемс ся эльбятксьнень, конат ульсть нолдафт ВЛКСМ-нь ряттненьди примамста и ВЛКСМ-нь ряттнень эзда панемста. Сяда башка шарфтомс оцю мяль пропагандистский и агитационнай работать ширес, штоба маластонь пингть панемс пропагандистский работаца ся ломаттнень, конат несоответствуют эсь назначенияснонды, и тя ответственнай работати путомс политически грамотнайхть и идеологически выдерженнайхть, ВКП(б)-нь и ВЛКСМ-нь члетт.

Комсомольский организацияне ладямок политкружокнень эса работать, должны вишкпетемс населениянь йоткса раз'яснительнай работать РСФСР-нь и МАССР-нь Верховнай Совету выборнай кампанияти анокламать, штоба агитаторкс и довереннайкс выдвигать грамотнай и выдерженнай комсомолецтнень, конат эрьшина должетт тюремс избирательнай Положениять тонафнеманц инкса, штоба РСФСР-нь и МАССР-нь Верховнай Советтнень депутатокс кочкамс провереннай ломатть, конат способнайхть тюремс Ленинонь и Сталинонь партиянц тевоц инкса.

СССР-нь оборонань кемокстама займань подписчикненьди ОБЛИГАЦИЯНЬ МАКСОМАСЬ

Апрельть омбоце пилестонза рабочайхне и служащайхне паннесазь мекольдень взность СССР-нь оборонань кемокстама займати подписать коряс. Мекольдень взность пандоманц мархта вихюк предприятиянь и учреждениянь бухгалтерияне обязатт максомс подписчикти ся выпусконь и стама достоинствань облигацият, конатненьди тийсь заявка сон займати сформатфтомать пингста.

Колхозникненьди и крестьянтненьди—единоличникненьди облигациятнень максесазь велень сон мекольдень взность пандоманце меле эстакия, но аф 1938 кизонь майть 1-це шидонза поздна.

1938 кизоня СССР-нь оборонань кемокстама займать коряс кармай улема ниле тирашт. Васенце тиражсь йотафтови Минскийса июньть 5-це шистонза, омбоцесь—Сталинскийса июльть 11-це шистонза, колмоцесь Одесса сентябрьть 11-це шистонза и нилецесь—Рязаньца декабрьть 11-це шистонза.

Омбоце пятилеткань (нилеце кизонь выпусконь) займать коряс выигрышень тирашне кармайхть улема: сисемце тиражсь—Казаньца майть 17-це шистонза, кафксось—Свердловскийса августь 17-це шистонза и вежксось—Ташкентса ноябрьть 17-це шистонза.

(ТАСС).



РСФСР-нь Верховнай Совету кочкаматненьди ИЗОГИЗ-сь нолдась лама красочнай плакатт.

СНИМКАСА: Г. Шубина художница плакатоц: „Сембе РСФСР-нь Верховнай Советть кочкама“.

Репродукциясь Союзфототь.

ИСПАНИЯСА ФРОНТТНЕНЬ ЭЗГА

Восточнай (Драгонский) фронтса республиканский войскактне, получандамок подкрепления, макссихть энергичнай отпор Каталонияв мятежникнень шаштомасост. Тяниень пингть фронтонь линиясь моли Эбро лаять кувалма. Возвышенностька, конат расположеннайхть побережьять кувалма и троншеяса укрепленнай возвышенносттнень кувалма, республиканский ударнай часттне арелакшнесазь моряв подступнень. Мятежниконь колоннать наступленияц моли саворста.

Центральной фронца, Эстремадура района мятежниконь вой-

скактне тийсть атака Карраскольско велеть лангс, конанц перьф моли вишке бой.

Лия фронттнень эзга положенияс переменафтома.

Республиканский гидросамолетне апрельть 9-це шистонза врьгятсть фашистский подводнай лодкатнень лангс, конат уендсть Альмери веттнень эзга. Ня лодкатне, кода няевсь, ульсть ваяфтфт.

Тяда меле морять тя пьляксонза ашезь няев фкявок подводнай лодка.

(ТАСС).

Французский од правительствась

Кода пачфнихть куля Парижста, Даладьесь образовандась французский од правительства. Правительствать составс сувсихть: котарадикалхт, котарадикал-социалистг, социалистический республикань Союзонь колма члетт, колма

представительхть лия партиятнень эзда и фкя беспартийнай.

Министрань Советть председателц и национальнай оборонань министрсь—Даладьесь (радикал-социалист).

(ТАСС).

ТОНАФНИХТЬ ОТЛИЧНАЙСТА

Сире—Шайговань средний школаса ученикне и ученицатне, конат ашихть комсомолонь рядса, Белов, Федотов, Кузин, Сорокова и лияне ноябрь ковста цебарь тонафнеманкса ульсть казфт школань директорть ширде. Ня комсомолец-

не—тонафнихне макссть обязательства школань дирекцияти, штоба учебнай кизоть аделамс аныцек отличнай отметка мархта.

Живайкин.

Шайговань район.

Комсомольский эряфсь

Машфтомс эльбятыксненъ

Афкунара Саранск ошень фельдшерско-акушерский школань комсомольский организациясь ульсь йотафтф марстонъ комсомольский пуромкс, коса изучали ВЛКСМ-нь ЦК-ть V-це Пленумонц решениянзон.

Тя пуромкссь йотась пяк активнайста. Большевикский критикать и самокритикать вельде лихтыфт организациясь уликс сембе афсатыксне.

Комсомольский организациясь пяк калдывста касы. Тядненъ кизоть примаф комсомолу аныцек 20 одломатть, а комитетонъ секретарьсь Алямкин ялгась успокоиндакшнесыне комсомолечненъ, што мол миндедонк лама кивок ашезь прима.

Наверно Алямкин ялгась тя пингть самс аф содасыне, што школаса тонафни 1030 одломатть, конатненъ лаказы-лакайтъ желанисна комсомолу сувамас.

Кизефневи, мес аф касы комсомольский организациясь? Эряви видеста азомс, што мзярда примосеви одломанць, то теенза тиендеви искусственной затрудненият.

Вступающей комсомолечти максевихть тяфтама кизефкт:

— Мзяра Испаниясь воздушнай бойса участвовандась самолетта? — Кодама кизефкт ульсь решандафт Брюссельский конференциясь?

Тя вреднай практикать фельдшерско-акушерский школань комсомольский организациясь тячиень шить самс йотафнесы эряфс.

ВЛКСМ-нь ЦК-ть V-це Пленумонц решениян эсь пингстонза отметил комсомольский организациятненъ мархта нолдаф эльбятыксненъ. Именно народонъ вракне старандакшнесъ сянь инкса, што ба честнай комсомолечненъ паньцемс комсомолста. Вов фельдшерско-акушерский школаса тонафнесъ Ульянова ялгась, конац ульсь паньф комсомолста и школаста, причинафтома, материалъ апак проверяк, а школанъ директоркс работась народонъ врагсь Сычевсь. Тяни Ульяновась восстановленнай Ленинский комсомолу и примаф меки школав.

Аф сяда цебарьста ащи тевсь политзанятият мархта.

А. Алексеев.

КАСФТОМС КОМСОМОЛЬ РЯДОНЗОН

Юношатне и стирнятне, Октябрь ровесниконза, эсь дувкснон мархта составляндакшнихть миллиотт ломатть, конат воспитаннайхть советский строить условияса, конат кельксаз эсь родинаснон, конат безгранична преданнайхть большевикский партиити и сонъ Центральнай комитетонцты. Сяс и Ленинский комсомоль ульсь и улихть благоприятнай условиянза эсь рядснон касомаснонды.

Саранск ошень кой-кона комсомольский организациятне тя задавать шарьхкодезь цебарьста и йотафнесазь эряфс.

Вов музыкально-драматический училищанъ комсомольский организациясь тонафнема кизоть ушедомстонза лувондовсь 58 комсомолечт, а тяни лувондови 76 комсомолечт. Аф кунара комсомолонъ комитетсь примасъ комсомолу 11 афсоюзнай одломатть, конатненъ эзда 3 учебаса отличникт и цебарь общественникт.

Саранск ошень „Красный Ок-

тябрь” типографиясь комитетонъ секретарькс работай Алексеев ялгась, конац производстваса лувондови стахановецокс, кярмодсь комсомольский работай цебарьгафтоманцты; афсоюзнай одломаттненъ йоткса ульсь тонафнеф ВЛКСМ-нь уставсь и программась. Тяни афсоюзнай 8 одломатть максеть заявленият первичнай организацияв, штоба синь пяк оцю желаниснон пийкоделезь-прималезь ВЛКСМ-нь членкс.

Тяфтажа цебарьста касы Саранск ошень 31-це № железнодорожной школанъ комсомольский организациясь.

Лама организацият тя ответственной задавать ашезь шарьхкодъ. И тя организациятненди эряви сяда кеме соткс кирдемс афсоюзнай одломаттненъ мархта, содамс сонъ запросонзон и нужданзон. Вов основной задачатне, штоба комсомоль рядонза касфнемс систематически.

И. Белов.

ПОЛИТЗАНЯТИЯТНЕ МОРДГИЗСА

Панжевсь кенькшсь. Бурякс сувась политкружоконъ руководителсь.

— Ну, темать содасасть кодама? — Игонинць, политкружоконъ руководительсь, кизефтезень слушателхненъ.

— Мг... а мезенкса мля руководителъ, тон должен азомс, а минь обязанностеньке сьормадомс—пшкядсь фкя слушателсь.

— Темась нингя ульсь азф теентъ пяле кизода инголе, примерна 1937 кизоня.

— Ся пингсь, примерна, ульсь 1937 кизоть, а тяни вдь 1938 ки-

Омбоце действиясь ушедсь тяфта.

— И тяфта, кда тинь ашедя анокла кудса занятиятненди, эста мон доскати сьормадан аф лама кизефкс, а тинь арьседа синь колгаст, и ушедсась занятиятненъ.

Мзярда руководительсь ушедсь доскати сьормакшнема афграмотнай кизефкт, ся йоткова слушателхненъ йоткса ушедсть личнай кизефксонъ колга спорхт, конатась пшкодсь папиросанъ качамда. Слушателхненъ пяледа ламосна лиссть комнатаста.

— Но сьормадостъ?—Пшкядсь



зось—пшкядсь омбоце слушателсь.

И ня спорхненъ эзда ушедсь васенце действиясь:

— Ялгат, ялгат! лоткапа спорянда, ушедсась занятиятненъ — Пшкядсь Игонинць. Темась, мярктяма, тячи ули 1905 кизось. Тя кизоть сембе марьсестъ, а сяс мон ушедан кизефнемонт—сяда тов корхтась Игонин ялгась.

— Кода станя, кодама основаньяса ушедат кизефнема, кда минь изеськ сода тя темать содержаниянц, кда минь кудса сонъ ашеск тонафне.

— Пшкядсть фкя вайгяльса слушателхне.

— Но, но, руководительсь мон а аф тинь.

Тяфта аделавсь васенце действиясь.

Игонинць.

— Кунаркигя!

Тяфта аделавсь омбоце действиясь.

Колмоце действиясь ушедсь тяфта.

Руководительсь ушедсь слушателхненъ кизефнема. Кизефтсь фкя слушатель, мезевок ашезь отвеча, кизефтезе омбоце слушателть, руководительть каршес пейдезевсь, кизефтезе колмоцетъ. Но колмоцесь точнайста и аккуратнайста отвечась—кадомак, таргаса папиросазень, тямак машнефте.

Тяфта аделавсь занятиясь, конац ульсь йотафтф Мордгизса.

В.

Саранск ош.

ПИОНЕРСКИЙ РАБОТАТ—КОМСОМОЛЬСКИЙ РУКОВОДСТВА

Пионерский работась-комсомольский организациятненъ ответственной задачна. Но тя ответственной задачатъ лама райкопт тянимс ашезь шарьхкодъ. Кепотыксонди, ВЛКСМ-нь Ковылкинский райкомть работниконза пионерский работати относятся халатнайста. Сембоц районца лувондови 2000 пионерхт, но синь йотксот кодамовок работа аф вятви. Шадым велеса пионерский организациясь ащи срадома лангса, аф сяда цебарьста работай Ежовканъ, Ржавцеванъ, Самодуровканъ пионерский организациятне. Эряви азомс, што пионерский организациятненъ эса аф вят-

теви политико-воспитательнай работа; пионерхне таргайтъ, ругайхть аф цензурнай валса, тюрихть и ст. тов.

Нят возмутительнай фактне тиендевь комсомольский организациятненъ сельме инголест, но синь ашезь лув эрявиксонди нят безобразиятненъ машфтомс.

ВЛКСМ-нь Ковылкинский райкомть пионеротделонъ заведующаец Котова ялгать кабинетно-бюрократический руководстванц эзда няеви, што сон вовни колманилеков ашель фкявок велеть школас.

М. Костин.



Моску ошса оцю успех мархта моли Азербайджанский искусстванъ декадась, конац ушедовсь 2-це шистонза. Декадась ушедовсь „Кёр—оглы“ операть няфтемаста. Тя спектакольть ваномста—ульсь Сталин, Молотов, Каганович и Жданов ялгатне.

Снимкаса: „Кёр—оглы“ операнъ 1-це действиянъ сценась.

Союзфото.

Школьная эрэфсь

Ладямс заочнай тонафнематъ

Лувондомок сянъ, што Советский учитель инголе ашихть ответственной задачат, штоба итне тонафнемс и воспитандакшемс коммунистический духса, СССР-нь СНК-сь и ВКП(б)-нь ЦК-сь 1936 кизоня апрельть 10-це шистонза эсь решениясонза постановил:

1. „Ладямс, што начальнай, неполной средней и средней школы преподавания прават макс-севичь анычек сят лицатненди, конатненди присвоеннай учителень соответствующей персональной звания ЦИК-ть и СССР-нь СНК-ть 1936 кизоня апрельть 10-це шинь постановлениясон коряс учителень персональной званиятненди колга...“

2. Предложить союзной республикань народной просвещения комиссарненди 1938 кизонь августь васенце шинь самс йотафтомс начальнай и средней школы учителень званиянди аттестация сембе лицатненди, конат тьяни работайхть учителюкс начальнай школытненди эзга“.

Тя постановлениасъ обязывает народнай образования сембе органтненди шарфнемс оцю мяль учителень анокламань и квалификациянь кеподемань кизефксненди ширес.

Советский учитель колга пяк заботендай партиясь, правительствасъ великай вождыть Сталин ялгать мархта во главе. Вов мес и минь советский одломаненьке кельксаз педагогический работат и охотна молихть тя работати.

Педагогический стационарной учебной заведения башка учительский кадрень анокламаса оцю роль кирди заочнай тонафнемасъ.

Анычек Мордовияса заочна тонафнематъ 921 ломань.

Партиясь и правительствасъ шарфни оцю мяль заочнай тонафнемат тевти и максихть заочникненди оцю льготат. Заочникненди обеспечендакшневихть:

1. Декадати аф 3—4 илятьта кржа заочнай тонафнемат, а работаса заочнай тонафнемасъ лувондови общественной основной работакс.

2. Ковти аф кафтода кржаксть якамс консультационнай пункту.

3. 10 шинь дополнительной отпуск зарплатань пандозь.

4. Заочникне, конат успешнай-ста аделасазь учебной заведения равняндакшневихть правас коряс сят лицатненди, конат аделасъ стационарной учебной заведения.

Но эряви азомс, што аф сембе заочникне пользовандакшнихть нят праватненди мархта, сяс мес кой-кона РОНО-тне, школань директорхне аф лувондсазь тьян пяк эрвиксонди, аф максихть условият заочникненди синь тонафнематев-сост. Синь аф максихть пинге заочнай тонафнемат, максихть производственной и общественной лама работа и даже аф новлясазь сессияс и консультацияс.

Тяфта, например, Чамзинский районь, Маресевский средней школань учительне-заочникне Шайкин и Поцелуев ялгатне и Ичалковский базовой школань учительс Винтин ялгасъ корхтайхть, што школань директорхне аф новлясазь синь консультацияс, а общественной организациятне максихть теест общественной лама работа. Тяфта аши тевсь Ламбир-

ский районь Пензяткинский НСШ-са. Тяс Вахидов заочникс (сон комсомолец) аши ВЛКСМ-нь комитетонь членкс, работай пропагандистокс, агитаторкс, неграмотностень ликвидаторкс, авиомодельнай и драматический кружоконь руководителюкс. Лама стама фактта, мзярда учителхненди-заочникненди сашендови преподавать школаса 8—10 частт суткати, конань сюнеда синь аф кенерькшихть аноклакшемс уроксонды, а заочнай тонафнематъ колга аш месь корхтамска.

Няеком тяфтама афсатыксненди Мордовский пединститутонь заочнай тонафнемань секторсь васенце полугодиять пингста кодамовок мерат ашезь прима, штоба цебяръгафтомс заочнай тонафнемат, и эряви азомс, што пятай кодамовок руководства тя тевть лангса ашезь вате. Васенце полугодиять пингста полафтсть заочнай тонафнемат секторонь кафта директорхт, фкиявок консультант ашезь работа, заочникненди алак макс-стольхть программат, эрвикс литература и стак тов. Сембось тя вятсь сянди, што 1937—38 кизонь васенце полугодиять пингста заочнай тонафнемасъ йотасъ аф удовлетворительнайста.

Тянь колга корхтайхть нят цифратне и фактне:

1. Заочниконь тьялонь сессиятненди 921 ломаттненди эзда эвондась 577 или 62,6%.

2. Планц коря 790 зачеттненди и экзаменттненди эзда максфт 303 или 38,4%.

3. 1312 контрольной работатненди эзда пяхкотъф 77 или 5,9%.

Нят показателхне угрожают заочнай тонафнемат секторть учебнай планонц сяземанцты, сембода пяк выпускной 2-це и 4-це курсненди эзга. Лиядыкс пингста пединститутти и заочнай тонафнемань секторти эрвикхть примамс сембе мератне сянкса, штоба петемс уликс афсатыксненди и эльбиятксненди. Тя тевса пединститутти эряви максомс лезкс МАССР-нь Наркомпротъ ширде, республикань РОНО-тненди и партийно-комсомольский организациятненди ширде.

Заочнай тонафнемань секторть инголе аши оцю задача—анокламс 1938—39 тонафнемат козоти.

Неполной средней и средней школань учителяда, конат аф ашихть пединститутса али педучилишаса заочникнокс, республикаса лувондови 400 ломатть. Сят учителяда башка, конат работайхть неполной средней и средней школава, учительский институту заочнай тонафнемат эрвикхть таргамс начальнай школань учительхне, конатненди РОНО-тне йорасазь 1938—39 учебной кизоня выдвинуть работама НСШ-в.

Заявлениятненди заочнай тонафнемат колга пединститутсь примосесыне мартть 15-це шистонза сязомок июньть 15-це шинцты самс. Ялгатненди, конатненди улихть мяльсна касфтомс эсь квалификациясон, эрвикхть максомс заявления.

Горячев.

Цебяръста работай библиотекась

Кулдымонь НСШ-са организавандаф детский библиотека. Библиотекарькс работай комсомолец Пивкинъ. Библиотекаса лама детский художественной литературада. Библиотекась работай плани коря, регулярнайста.

Ученикненди йоткста ламоц лувондовихть библиотекаса активнай читателькс. Кепотыксонди, Лошманов пионерсь библиотекаста морални аф анычек детский художественной литература, сон мо-рафтсь Гоголень, Шолоховть произведениязон и лама лия писателень произведения.

Н. Д. Картаев.

Вертелимонь район.

Аш культмассовой работа

Малавонь средней школаса ученикненди йоткса кодамовок культмассовой работа аф йотафневи. Школаса кружокненди работасна катф эсь отям молема.

Тяда башка школань классне оборудовандафт калдыаста. Классненди эса аш фязок лозунг, плакат и стак тов.

Школаса культмассовой работат лангс аф комсомольский организациясь, аф школань администрациясь кодамовок мяль аф шарфнихть.

Вишняков.

Рыбкинань район.

Итне вешихть работа

Минь школасонк учебнай кизонь перьф кодамовок работа ученикненди йоткса ашезь йотафневи. Ученикненди оцю мяльсна организовандамс хоровой, драматический кружокт, но школань заведующийсь Кузнецов А. ялгас прокс итненди седисон петнезень обещанияса. Сон теест обещал рамас музыкальной инструментт, организовандамс школаса кружокт, но обещаниятне, кода няеви, илядсть обещаниякс, а школаса стаяк кодамовок работа аф йотафневи.

Рыбкинань район, Вирь Сазан веле.

Комсомолец.

Горькийсь вечно ули советский народть седиса

Апрель ковть 6-це шистонза Саранск ошса МКСХШ-нь залса ульсь йотафть вечер, конац посвященнай А. М. Горькийти.

Вечерса ульсь 600-шка ошень трудяйхть, тонафнихть и служа-шайхть, конат пяк кельксазъ великай пролетарский писатель А. М. Горькийть бессмертной произведениязон.

Вечерса цебяръста тийсь доклад Дорогойченко ялгасъ М. Горькийть эрэфонь кинц и деятельности колга.

Докладта меле ушодсь художественной частьсь. Саранск ошень 12-це № средней школань 9-це классонь ученицасъ Голик ялгасъ декламировандазе Горькийть произведения „Песнь о Соколе“. Тяка жа школань ученицасъ Зорькинась лувозе Джембулонь стихотворенияни „О солнечном Горьком“. 31-це № железнодорожной школань ученицасъ Кочеткова Женясъ декламировандазе Горькийть „Песня о Буревестнике“ произведенийни.

ИПКНО-нь студентсь Шумиловсь моралтозе эсь стихотворенияни „Горькому“.

Мартынов ялгасъ лувозе эсь переводонц Горькийть произведенияста отрывка „Девушка и Смерть“.

Кавтаскин моралтозе эрзянь кяльса 58 кизоса Беззубова колхозница — сказительница „Плачь о Горьком“ произведенийни. 31-це № железнодорожной средней школань 9-це классонь ученицасъ Веретенниковасъ моралтозе „О горячем сердце Данко“ произведенийть, муздравучилищань студентсь Ситкин ялгасъ моралтозе Горькиень произведенийни „Фея“.

М. Горькийть колга памятьсь ули вечно минь седисонк, минь социалистический родинаьконь на-родец тонафни Горькийть произведенийнизон эзда. И. Белов.



СНИМКАСА: Саранск ошень детский технический станцияса 12-це № школань 6-це классонь ученицатне ванондсазь насекомаень коллекциятненди, конатненди кочказь йотай кизоть.

Касы колхозникненъ культурнай, зажиточнай эряфсна

МАЛАВ ВЕЛЕСЬ ИНГОЛИ И ТЯНИ

Беднайста эрясть Малав велень трудяшайхне Октябрьскый революцияда инголе. Населениять ламоц эрясть кулацкый кабаласа, ашольхть политическый правасна. Ашозь сатне урожайда урожайс кшисна; оцязоронь правительствась люпшнзень синь налогса. Велеса азорондась бескультурьясь, невежествась, кяжи урматне, шовдашись. Минь велесонк ульсть аныцек 3 класст, коса тонафнест кулаконь да попонь стирхне-цюратне, а беднай ломаттненъ идьсна ульсть катфт судьбань произвольт.

Тяни, Великий Октябрьскый Социалистическый революцияда меле, минь веленьке комсь кизотненъ пингста арась йофси лиякс, афсодавикс. Колхозникне тийсть эстет зажиточнай, культурнай эряф Минь „Валда Ян“ колхозоньконъ

улихть колма ферманза: МТФ, СТФ, ОТФ. Колхозть социалистическый пакснза максихть оцю урожай, Сталинскый урожай.

Минь веленьконъ трудяшензонды советскый властьсь, минь кельгома вожденьконъ, учителеньконъ Сталин ялгать руководстванъ вельде макссь сембе условиянь, штоба касольхть синь культурностсна, грамотностсна, политическый знаниясна.

Минь велесонк улихть: связень отделения, средняй школа, библиотека, изба-читальня.

Счастливай, культурнай, зажиточнай тя эряфть инкса велэряйхне азонкшнихть спасибо партияти и сонь вожденцы Иосиф Виссарионович Сталин ялгати.

Прошкин.

Рыбкинань район.

Маряса эсь прязень нингя одкс

Вертелимонь района, Будым велень „Дирижабль“ колхозса 51 кизоса Бикеев колхозниксь эсь эряфонц тяфта азондсь:—Оцязоронь Россиять пингста афваномок одпизень лангс, эсь прязень маряйне сиредонга сиреста. Мон улень мучендаф кулакненъ ширеса работаса, прокс марянь аф кирдемшка сталма эсь лангсон, мон вынужденнай улень мишендемс эсь рабочай виезень кровопиецненди—кулакненди. Тяни эряфозе полафтсь. монь лангстон валксть кровопиецонь кабалатне. Афваномок, што тейне 51 киза, а эсь прязень марясан нингя одкс. 1937 кизоня тиеень 365 трудошит, а семьязень мархта тиема 900 трудошит и получама 150 пуд сьора.

Бикеевть стирец 1937 кизоня работась звеньеводкакс, сон цебярь работанкса ламоксть ульсь казыф.

И. Королев.

ТРУДСЬ ТЕЙНЕ —ТЯ ОСНОВНОЙСЬ

„Борьба за социализм“ колхозса, Чамзинкань района колхозниксь Сазанов Филипп Егоровичсь, афваномок, што теенза 65 киза, колхозса работай честнайста и добросовестнайста. 1937 кизоня Сазанов атясь тийсь 250 трудошит.

— Колхозса трудсь тейне,—основнойсь—корхтай Сазанов атясь.

И видекс, Сазанов атяньят валонза тевонц эзда аф аерткшнихть. Сон сембе виенц путнесы сянди, штоба производственной норманзон пяхкодкшнесыне ламода вельф.

Сазанов атянь тяни ули траксоц и лия жувантанза. Кудоц пятцстеннай, чистой.

Симдянов

Эряфсь радостнай

—Наксада оцязоронь Россиять пингста эрянъ вачашица. Работакшненъ шинек-венек кулаконди, а кшизе кизода-кизос сембе сяка ашезь сатне ярхцамс. Аныцек Октябрьскый революциясь валхтозень монь лангстон кулацкый кабалатненъ и макссь счастливай и радостнай эряф. Тяни монь эрь шиня касы зажиточнай и культурнай эряфозе,—корхтай Волков ялгась.

Волков ялгась тяни аф арьси, што сонь вандыень шити аш кшиз, аф арьси, што сонь идензон лангс аш мезе щафтоме. Сон 1937 кизоня получаць лама пуд сьора. Улихть жувантанза, кудоц чистой и уютнай.

В. Муштаев.

Рыбкинань район, Самозлеевка веле.

ФИЗКУЛЬТУРНАЙ ХРОНИКА

Тялонь спортивной сезонть обрзцовайста йотафтоманкса республиканскый физкультурнай и спортонь комитетсь Саранск ошень физкультурнай и спортонь комитетонь председателть Чуликов ялгать премировандазе 250 цалковай ярмакса. Ардатовань физкультурнай советть уполномоченнаенц Будниковть 200 цалковайса.

Саранскяень райононь физкультурнай и спортонь уполномоченнайсь Галькин ялгась досрочно пяхкодезе годовой заданиять „ГТО“-нь и „БГТО“-нь значкистонъ анокламаса. 1938 кизоня ульсь

максф задания анокламс 1 ст. „ГТО“-нь значкист 50 ломатть, аноклаф 57 ломатть. „БГТО“-нь эряволь анокламс 40 ломатть, аноклаф 75.

Ковылкинань райононь физкультурнай и спортонь уполномоченнайсь Будников ялгась 1938 кизонь контрольной заданиять апрельть 1-це шинц самс пяхкодезе досрочно.

„БГТО“-нь значкистонъ анокламаса заданиясь 70 ломатть, а аноклаф 77 ломатть.

Кино

„Граница на замке“

Мордовскый республикать столицаса—Саранск ошса лама сядот трудяшайхть оцю интереса вانونь од, замечательнай кинокартинатъ „Граница на замке“. Пограничникне—зоркай часовоухть, бесстрашнай ломатть, конат сединок преданнайхть родинати. Сембе боецне и командирхне—героическый фкя коллектив, синь—„Граница на замке“ фильматъ главнай действующай ломаненза.

Границать лангса, минь ширесонк Полесскый вирьса аш кашт моли. Вов кафту явихть шуфтоняненъ тарадсна; пограничнай отрядсь зоркайста ванондсь Советскый границать. Нарядса кафонест—сверхсрочниксь Краевсь и сонь мархтонза новичексь Головинць.

—А тетъ сашондовсь кундамс диверсант?—Салаване кизефнесы Головинць ялганц.

—Аш, мон настоящай гадина вестевок ашень най, куфкстозь отвечай Краевсь и прибавакшнесы,—куду молят, стирхне пеечнетядязь...

Ня валхненъ эса правдивайста, простойста няфневи минь од ломаненьконъ благодарнай стремлениясна—социалистическый родинать слаvas подвикненди.

Ваксонк аши государства аноклайхть йотафтомс минь ширезонк диверсант. Фашистскый разведкатель начальникоц максис штатскый одежаса наряджаф ломанти подложнай паспорт. Агентсь должен йотамс границать туркс, арамс „Активнай советскый ломанькс“, завоевать доверия и тиендемс эсь вредительскый задачанзон.

Советскый разведкась соласы ни вракненъ планцон.

Ингольцекс спокойнайста моли эряфсь заставаса, аныцек нарядтне границать лангса ламолгаффт ды веть боецне удыхть щафста, анокт тревогати. Винтовкатне, конат ашихть боецненъ пряс песост, корхтайхть сян колга, што заставить врагсь врасплох аф фатасы.

Границать тона бокс ворьготьф кулаконъ бандась прважакшнесы

фашистскый агентть. Пограничнай нарядсь няендсьне тишетненъ потмова пеккедьлангса шашни диверсантненъ—нарушительхненъ. Синь эздот кафтсь йорайхть отвлечь нарядть вниманиянц, штоба максомс возможность разведкати агентоншты йотамс советскый модаць лангсь алак найхть.

Пограничникне зоркайста ваныхть нарушительхненъ мельге, аф юкснесазь сян, што теест мярькф кундамс нарушительхненъ живойста. Кафттненъ пограничникне кундазь болотать ваксса. Иляткшнихть нинге кафта—агентсь и сонь прважаец бандитсь Долбня. Нят кяшендихть смолань шьянфтома заведенийати, коса аши тяфтажа фашисттненди агент, и конац эсь прянц няфнезе наймокс Диверсантне тьяса шакшнихть пограничниконъ адежат и тушендыхть сяда товолдонь кигафт. Но синь эрь аськолкссна содаф ни, синь мельгаст ваныхть пограничникне.

Боецне неутомимайста молихть и ваныхть киснон мельге. Боецнетяся няфнихть огромнай физическый и моральной выдержкка!

Нямок, што синь сатнесазь, нарушительхне ворьготчихть. Долбнясь тушенды колхознай фермав, коса сонь кундасазь подросткась постухсь Петрусь и колхозничасть Стасясь. Иностраннай разведкати агентоц повсь пограничникненъ кядьс. Боецненъ лангс ляцендемста врагсь ранендакшнесы боецть Головинць. Сембе сяка пограничникне кундазь фашистть живойста, алак ляцентть.

Боевой заданиясь пяхкотьф. Нарушительхне кундафт и вятьфт заставав. Тяза жа кандозь и ранендаф Головинць и мзярда боецть сашендыхть виенза, сонь ялгазонды васень кизефксоц ульсь:

—Тусь?

—Тяфтама цюратненъ эзда аф туют,—отвечакшни теенза пограничнай отрядть начальникоц.

Т. Осипов.

САРАНСКИЙ ФЕЛЬДШЕРСКО-АКУШЕРСКИЙ ШКОЛАСЬ

АЗОНДЫ ТОНАФНИЕНЬ ПРИМАМА

1938—39-це тонафнема кизоти тяфтама отделениянь 1-це курсс:

фельдшерскыйти—тонафнемань пингсь 3 кизот,
акушерскыйти—тонафнемань пингсь 2 кизот,
специальна—мордовскый подготовительнайти—фкя кизонь тонафнема пингонь мархта.

Фельдшерскый и акушерскый отделениятненди примсвихть 15 кизонь возрастста сявомок 35 кизос модемс, ломатть, конат аделаст афполнай средняй школа. Подготовительнай отделенияти—14 кизоста сявомок 35 кизос модемс возрастса, конат аделаст афполнай средняй школа, или конат аделаст на „хорошо“ афполнай средняй школань кота классненъ.

Заявлениятне примсвихть апрельть 10-це шистонза сявомок августь 15-це шинц самс.

Приемнай испытаниятне ушедовихть 1938 кизонь августь 15-це шиста сявомок 26 шинц самс.

Испытаниятне кармаихть йотафневома афполнай средняй школань обемса, тяфтама предметс коря: рузонь кяльса, литератураса, математикаса, историса, физикаса и географияса.

Кинь мялец самс тонафнема фельдшерско-акушерскый школав, должет пафтемс документт подлинника: шачемать колга, образованиять колга свидетелстват, шумбравить колга справка, заявления, завереннай автобиография, характеристика и собственнай подпись мархта кафта фотокарточкат. Испытаниятненди нолдавихне, должет ускомс эсь мархтоост одеяла, 2 простынят, 2 тодулангакс и, кинди топодсь 16 кизот, паспорт.

Школав приманенди кармай макссегома стипендия тонафнемас коря. Макссеви общежития.

Документтне кучсемат тяфтама адресс: гор. Саранск, МАССР, ул. Ленина, д. № 19, фельдшерско-акушерская школа. Школоти мокшетненъ и эрзятненъ анокламаснон инкса, конат аделаст афполнай средняй школа, июльть 10-це шистонза сявомок августь 15-це шинц самс улихть паньчф фкя ковоень пингонь подготовительнай курст. Курсненди заявлениятне кармаихть примсегома 1938 кизонь июльть 10-це шинц самс.

1—3

Диренциясь.

Ответ. редакторсь П. ЕЖОВ.

Упол. Главлита № Д—41. Заказ № 1492. Тираж 3884.

г. Саранск, тип. „Красный Октябрь“